



**Claudii Fleurii Abbatis Historia Ecclesiastica**

Ab anno Christi 1618. usque ad annum 1620

**Fleury, Claude**

**August. Vind. [u.a.], 1777**

**VD18 90118847**

§. 2. Gomaristarum tumultus Amstelodami contra Arminianos.

---

[urn:nbn:de:hbz:466:1-67326](https://nbn-resolving.de/urn:nbn:de:hbz:466:1-67326)

gium, quo motam controversiam non sæc. XVII.  
esse *circa fidem ajunt*, recurrere coacti A.C. 1618.  
fuerint, prout ad annum sequentem lu-  
culenter patebit.

## §. II.

*Gomaristarum tumultus Amsteloda-  
mi contra Arminianos.*

Deficiente igitur legitimi Judicis au- *Neuwill. hist.*  
ctoritate tanto furiosius Gomarista- *D'Holland.*  
rum seu Contra - Remonstrantium in *tom. I. pag.*  
*IIO.*  
Arminianos, & in illos horum exar- *Jæger. hist.*  
descebant animi, quanto arrogantius *Eccl. I. 7. c. 7.*  
Gomaristæ Mauritii Comitis Nassovii, *Merc. Gal-*  
Principis Aurasici, & ex Ordinibus non *lob. tom. II.*  
nullorum patrocinium potentiamque *lib. 3.*  
jaçitabant: nec moderatores erant  
Arminiani, seu Remonstrantes, qui uni-  
versum ferme populum, atque ex Op-  
timatibus non paucos, suæ doctrinæ  
suffragari gloriabantur. Horum igitur  
præsidio tuti Remonstrantes dominica  
die duodecima Februarij Amstelodami  
hora constituta in ædibus cuiusdam  
mercatoris convenerant, sectæ suæ Præ-  
conem audituri. Id cum Gomaro - Cal-  
vinistæ animadvertisserent, ingens con-  
tinuo eorum multitudo domum primū  
assultat, mox & fenestras, valvasque  
lapidibus obruit, & paulopost cives  
magno numero accurentes vim inten-

A 3 tant

Sæc. XVII. tant & arma, domusque vastitatem, ni no-  
A. C. 1618 væ hærefis declamator prodeat, minan-  
tur: ubi igitur misellus Præco e suggestu  
suo descendere cogebatur, nulla mora  
primo convitiis, postea pugnis & fu-  
stibus contusum, amictu spoliant; pars  
& sanis impetitum, ac luto fœde con-  
spurcatum in aquas domui proximas  
raptant, in illas eum, ut os porcinum,  
corpusque spurcum elueret, abs dubio  
projecturi, nisi tempestive in ædes quas-  
dam dilapsus, vitæ periculum evasisset,  
pro quo tamen interim furentibus Go-  
maristis pœnas dedere Mercatoris ædes,  
in quibus scamna, subsellia, fenestras,  
magnamque suppellectilis partem in  
aquas abjecerunt.

Nec tamen hac calamitate sapere  
docti Remonstrantes, denuo evoluto oc-  
tiduo die decima nona ejusdem Mensis  
in alterius opulenti Mercatoris *Egberti*  
*Petri Biscopii* domo convenerant. Ja-  
miam aliis ad dicendum Orator accin-  
ctus, ad audiendum frequens cœtus pa-  
ratus & arrectus stabat, cum Prætor  
Urbanus paris seditionis tumultum ve-  
ritus, cum apparitorum manu super-  
veniens, conventibus æque ac ejusmo-  
di declamationibus posthac finem poni  
præciperet. Enimvero Arminianorum  
potissimi, ut morem gerere simularent,  
ædibus excessere: vix autem Prætor  
ab-

abscesserat, cum illico millia circiter Sæc. XVII.  
Gomoristarum plebeia multitudo incon- A. C. 1618.  
ditis clamoribus instaret, atque ad per-  
niciem & internectionem, Arminiano-  
rum omne nomen deposceret: alii infa-  
ne bacchantes Mercatoris domum obsi-  
dent, fenestras saxis, portam vestibus,  
in ipsa domo scamna, sedes, & sugge-  
stum convellunt, supellestilem, penum,  
pecunias, celasque diripiunt, cuncta  
vini aliorumque liquorum, quos abli-  
gurire haud poterant, dolia effringunt,  
capsisque convulsis & arcis pretiosas  
telas, ceterasque merces tanquam bel-  
lo victores in prædam inter se dividunt:  
obstantes vero armata manu, minis-  
que necis repellunt: Jam spoliis satu-  
res, in Arminianum inquirunt Præco-  
nem, qui tamen contumelie, qua nu-  
per ejus Socius afficiebatur, haud im-  
memor, mature sese periculo subduxer-  
at, nequidem expectato famuli sui mini-  
sterio. Hunc vero quamprimum conspe-  
xerant Gomaristæ mox pallio spoliant,  
pessime, ac inhumanissime multant;  
tunicam quoque ejus foede laceratam  
inter se partiuntur, & laciniæ quisque  
partem spiris pileorum inferunt, tan-  
quam puri veterisque Calvinismi tesse-  
ram, & damnati Arminianismi Signum:  
In quo symbolo Calvinistæ præter inten-  
tionem concinne significabant, quod

A 4

eo-

Sæc. XVII. eorum Protoparens æque ac quondam  
A.C. 1618. Arius inconsutilem Christi tunicam,  
Ecclesiam, Luthero forficem commo-  
dante, foede dissecuerit.

Tenuerat hæc furentium rabies jam novem omnino horas, nec illius adhuc exitus sperari poterat; æris igitur campani pulsu, & Præconis per omnes plateas obequitantis voce tumultuantes, indicta etiam mortis pœna, domum se- se recipere jubentur. Ad has tamen voces surdæ erant eorum aures: quo- circa suggressi Magistratus unacum armatorum centuria, pontibus aliquot retractis, turbam interciderunt, turbulentamque plebem disjecere. Tertia post hora, nocte in sequenti novis direptionibus ansam præbuit incendium in publico diversorio, aliisque duabus ædibus exortum, ad quod partim restinguendum, partim resuscitandum tumultum confluxerant quamplurimi: ut ergo malo remedium tempestive afferretur, Magistratum jussu haud pauciores quater mille militum, civiumque armatorum congregantur, ut ea nocte dieque postero toto per urbis plateas passim distributi excubias agerent. Die autem vigesima Februarii facta per domus inquisitione ex tumultuantibus duodecim deprehensi, atque in carcerem conjecti fuere, vagabundi vero, nullis-

nullisque servitiis obstricti , quorum Sæc. XVII.  
 numerus ad tria millia . ascendebat , A. C. 1618.  
 proposita capitis poena , urbe excedere  
 jussi sunt : ut autem imposterum ejus-  
 modi tumultibus obviaretur , auctori-  
 tate publica Templum aliquod Arminia-  
 norum Concionibus peculiare in urbe  
 concessum est.

## §. III.

*Novi Arminianorum motus contra  
Gomaristas.*

**H**ac ratione paulo quietiores erant Ar-  
 minianorum res & Conventicula, sed  
 non in longum tenuit hæc malacia ;  
 quippe Ultrajectenses , Lugduno - Bata-  
 vi , & Harlemenses instigante præpri-  
 mis Barnefeldio , Utenebogardo , Le-  
 denbergio , Hugone Grotio , aliisque  
 sententiam suam tam de jure Ministerii  
 Pastoralis , quam de Prædestinatione ar-  
 mis tutari decreverant . Adstipulaban-  
 tur eis Hollandiæ West - Frisiæ Ordines  
 edita hanc in rem declaratione . Amste-  
 lodamensis tamen Senatus non modo mi-  
 litem conscribendi facultatem Arminia-  
 nis denegabat , sed etiam contra eos  
 Synodus nationalem indicere statue-  
 bat ; insuper Dudlæus Charletonus ,  
 quem Jacobus I. Angliæ Rex pro com-  
 ponendis his dissidiis ablegaverat , in

A 5 fre-